

金闕之洪猷圓羅翠蓋遮天首之十山鬱秀
瑤臺觀空青之九仞是以流光開演化功初
動於招攝妙炁周旋歲序復還於箕斗貴賤
雖資於宿福年齡必注於建生以今然燈弟
子其人仰無上之玄司向真常之妙道循天
星而布位然絳炬以通光伏願道與性通心
隨意會符集聖真之佑仰延降簡之祥稽首
歸依虔誠讚詠

消災捍厄天尊

太一真皇 中元紫君 厥譚規矣 宇曰泥丸
金床玉帳 紫纁錦裙 腰帶火鈴 斬妖滅奸
手把星精 項負白圓 一心歸命 願得長生
臣衆等志心皈命某建生本命星君諸靈
官

伏以雲琳天緯施燿耀於清霄玉影金圓布
方隅於散漢爰自二儀初判騰景耀於高虛
五炁元司列羣明於空表因流逆之變成禍
福之虞修正或經於命宮過咎迺生於身位
以今燃燈弟子其人慮星辰之下照啓薰禱
於元司伏願福曜高臨克保大椿之算災孽

退舍永膺光顯之榮稽首歸依虔誠讚詠

長生保命天尊

大明靈神 九度鬱青 朝霞散輝 灌鍊五形
官駕六合 七神調平 使我飛仙 登行上清
功成道合 三素來迎 一心歸命 願得長生

臣衆等志心皈命某建生本命星君諸靈
官

伏以混元肇始啓分青蓮之基造化權輿次
立赤明之號洪推運絜綱紀寰區實左右於
生民迺總司於禍福以今然燈弟子其人項
魁星而應命投真教以傾心注蘭液之芬芳
布銀缸之紫焰伏願五福茂隆九清享祐永
履平康之運長居寧謚之鄉稽首歸依虔誠
讚詠

福生無量天尊

九炁青天 元始陽精 皇老尊神 衣服羽青
設御天宮 煥明歲星 散輝流芳 淘漑身形
五炁混合 天地長并 一心歸命 願得長生
諷經 宣疏 向來 回向
北斗本命延壽燈儀終

五燈儀同卷

三官燈儀

玄帝燈儀

為三

九天三茅司命仙燈儀

萬靈燈儀

五顯靈觀大帝燈儀

三官燈儀

法事如式

伏聞玄元妙道運一炁而肇乾坤清濁殊分
備三才而明日月顯晦分於晝夜寒暑布於
四時人本沖和為萬類之最靈性本清虛因
五行而受賦列尊卑於貴賤應罪福於因緣
是以三官考校賞功過以無私五帝紀明著
愆非而有在切以人生下境命係上天星辰
運轉值流逆而照臨運限推遷遇刑剋而衝
併或動止悞違於五典或命運值罹於三災
殺生縱意於貪婪益已損彼而不善惡言呪
咀或違犯於天基營造興工或冒干於地府
至於六根三業種種過愆非德道力無以獨
除今辰某慶逢吉且節屆仲元當三官考校
之辰乃九天賜福之會所以齋戒身心精崇

淨供華燈遍照於層霄銀燭交輝於星漢紅蓮萬朵齊開於三五之期醪酒三斟供獻於百千之聖沉檀芬馥遙達於金闕之天僊範吟哦速徹於玉清之界輒伸丹悃仰叩洪禧法衆虔誠讚揚功德

信禮無上大羅天長生保命護身天尊

巨衆等志心歸命上元一品九炁賜福天官紫微大帝一切神仙諸靈官

伏聞自然大聖降九天太極之權總主上真御七寶紫微之闕降鳳輦於舉遷之會迴雲輦於卍元之辰校錄天人標授功過扁三陽而賜福合九炁以流輝今辰某注想高明傾心酌獻仰玄都而設像建淨宇之陳儀志心歸命上元一品九炁賜福天官紫微帝君伏願沖鑒融明純禧錫善比都幽籍永證不朽之名南昌上宮克注長生之字生生道備世世心清稽首皈依虔誠讚詠

信禮高上紫微宮九炁賜福天官

真都元陽紫微宮主自然大聖賜福天官

統攝天界役使鬼神鳴鐘擊鼓乘車駕雲隊仗千萬統攝天兵滌除凶穢去濁流清上帝有勅普濟含靈祛邪輔正保天長存巨衆等志心歸命中元二品七炁赦罪地官清虛大帝一切神仙諸靈官

信禮高上洞空宮七炁赦罪地官

伏聞太陽殿上仰大道之清虛洞陰關中瞻元君而洞耀五岳八紘之類會校錄於慶生九幽三府之流願關宣而赦罪矧茲下土實仰元恩今辰某滌滌塵襟虔遵聖範仰洞靈而設像建淨宇以陳儀志心歸命中元二品赦罪地官清虛大帝伏願塔耀流光啟誠賜懇削愆尤於動植得遂生成施善利於飛潛咸臻寧晏至仁廣度品物蒙麻稽首皈依虔誠讚詠

信禮高上洞空宮七炁赦罪地官

中兄赦罪主帝元君靈真大聖社稷之神滋生萬物長養下民祛除妖怪掃蕩邪氛乘雲跨虎遊行乾坤保安家國內外咸寧獨消九橫鹹滅五瘟流祥賜福與道合真巨衆等志心歸命五炁解厄水官賜谷神

王一切神仙諸靈官

伏聞金靈炳景水官理賜谷之官寶曆分權大帝主洞陰之道定川源之品彙考江海之感靈會五炁於建生無幽不燭遵群倫之解厄有願皆從今辰某夙幸崇真無生奉教仰

信禮高上洞源宮五炁解厄水官

扶桑之設像建淨宇以陳儀志心歸命下元三品解厄水官賜谷神王伏願馳馭俯回精崇仰達長生大聖願延海宇之生度厄尊神以解存亡之厄福祥至止禍患潛消稽首皈依虔誠讚詠

諷經 宣疏 回向

三官燈儀終